

'Syor kaji semula data tidak realistik'

Kuala Lumpur: Kerajaan digesa mengkaji semula beberapa data dan sasaran dalam Rancangan Malaysia Ke-12 (RMK-12) yang dilihat tidak realistik dan tidak selari dengan situasi semasa di negara ini.

Ketua Pembangkang, Datuk Seri Anwar Ibrahim, berpandangan antara yang dilihat tidak realistik adalah sasaran melonjakkan purata pendapatan isi rumah kepada sekitar RM10,000 sebulan pada 2025.

"Bunyiya lunak, tapi kalau lihat angka kemiskinan, pengangguran dan kadar pertumbuhan lembab sekurang-kurangnya untuk dua tahun kebelakangan, kita bimbang unjuran itu realistik atau tidak.

"Pengangguran juga terlalu tinggi, antaranya kerana CO-

Mustapa nafi dakwaan Anwar

Kuala Lumpur: Menteri di Jabatan Perdana Menteri (Ekonomi), Datuk Seri Mustapa Mohamed menegaskan Unit Perancang Ekonomi (UPE) tidak pernah membelanjakan RM2 bilion untuk menyiapkan buku Rancangan Malaysia Ke-12 (RMK-12) seperti dakwaan Datuk Seri Anwar Ibrahim.

"Perancangan pembangunan negara untuk lima tahun ini disediakan oleh pegawai-pegawai UPE di bawah seliaan saya, hasil input daripada libat urus dengan pelbagai pihak. Penyediaan RMK-12 melibatkan kos yang amat kecil untuk sesi libat urus, cetakan dan perunding media," katanya dalam kenyataan, semalam.

VID-19, namun ia hanya mempersulit masalah yang sedia ada sebelumnya.

"Malah, kenyataan mutakhir Kumpulan Wang Simpanan Pekerja (KWSP) bahawa 46 peratus

ahli berusia 55 tahun mempunyai simpanan kurang RM10,000. Adakah (pendapatan) kumpulan ini akan naik mengejut dalam empat tahun akan datang?

"Jika unjuran biasa, mungkin

dicapai, tapi dalam keadaan ke-melesetan ekonomi sekarang, Perdana Menteri dan kerajaan perlu kaji semula unjuran yang mungkin tidak realistik," katanya ketika membahaskan RMK-12 di Dewan Rakyat, semalam.

Pengerusi Pakatan Harapan (PH) yang juga Presiden PKR itu turut mempersoalkan mengapa kerajaan sanggup membelanjakan lebih RM2 bilion untuk melantik juruperunding asing bagi menyiapkan buku laporan RMK-12, berbanding menggunakan tenaga tempatan.

Anwar juga meminta Perdana Menteri menjelaskan data sebenar pengangguran yang berbeza dengan angka dinaklumkan menteri serta kumpulan perusahaan kecil dan sederhana (PKS).